



UNIVERSITÄTS-  
BIBLIOTHEK  
PADERBORN

## **Claudii Fleurii Abbatis Historia Ecclesiastica**

Ab anno Christi 1606. usque ad annum 1610

**Fleury, Claude**

**August. Vind. [u.a.], 1776**

**VD18 90118820**

§. 40. Nonnulli Scriptores e Societate hoc anno defuncti.

---

[urn:nbn:de:hbz:466:1-67222](https://nbn-resolving.org/urn:nbn:de:hbz:466:1-67222)

Sæc. XVII. *Sacræ Scripturæ, tractatum de indulgen-*  
*A. C. 1608. tiis, aliosque plurimos tractatus Gal-*  
*lice conscriptos.*

## §. XL.

*Nonnulli Scriptores e Societate hoc*  
*anno defuncti.*

*Alegambe*  
*Bibl. Soc.*  
*Hist. Congr.*  
*l. 5. sect. 3.*  
*cap. 8.*  
*Hist. Con-*  
*trou. l. I.*  
*cap. 14. P.*  
*Luvin. Maier*  
*S. J.*

Plures quoque ex Societatis Scriptori-  
 bus Ecclesiasticis hoc anno dece-  
 disse reperimus, quos inter haud infimis  
 est Ferdinandus Rebellus patria Lusita-  
 nus ex oppido Prato, qui in Academia  
 Eborensi Philosophiam & Theologiam  
 professus, ac octennio Cancellarius, nec-  
 non Portuensis Collegii Rector exstitit,  
 & vastissimum opus *de obligationibus jus-*  
*titiae, Religionis & charitatis* conscripsit,  
 cujus tamen prima duntaxat pars de  
 justitia, quo fato nescimus, prodiit. De-  
 cessit Eboræ die vigesima Novembris  
 anno ætatis suæ sexagesimo primo. Al-  
 ter est Henricus Henriquez ejusdem  
 cum Rebello nationis ac patriæ. Hic  
 quondam Francisci Suaresii Magister in-  
 genii sui libertatem in obsequium Mo-  
 linisticæ opinionis captivare nescius, jussu  
 supremi Hispaniarum fidei Censoris an-  
 no Christi millesimo quingentesimo nona-  
 gesimo quarto ac tertio post anno ju-  
 bente Clemente VIII. Pontifice hanc  
 sententiam acri censura perstrinxit, ac  
 Theo-



Theologiæ Moralis summam conscripsit, Sæc. XVII.  
 cum vero secundum illius tomum prælo A. C. 1608.  
 subicere cæpisset, a Claudio Aquaviva  
 Præposito Generali supersedere ac Ro-  
 mam venire jussus est, eo autem iter  
 novis semper obtentibus eludente, pri-  
 mum inclusus, fideque Satellitio cin-  
 ctus Romam properare coactus est, ubi  
 a Societate dimissus exeunte anno mil-  
 lesimo quingentesimo nonagesimo sexto  
 ad Patrum Prædicatorum Ordinem tran-  
 siit, quamvis postea denuo ad pristinum  
 Societatis institutum reversus sit. Præ-  
 fata summa tribus tomis comprehensa  
 plures complectitur tractatus Theologi-  
 cos, in quorum uno *de fine hominis* præ-  
 cipue Molinæ doctrinam impugnat. Die  
 insuper septima Augusti anno a partu  
 Virginis millesimo sexcentesimo ter-  
 tio Romæ prohibita est hæc summa  
 moralis, donec corrigatur. Afferit Ale-  
 gambe eam anno Christi millesimo  
 sexcentesimo Venetiis *correctius* jam-  
 jam fuisse typis editam, unde patet, il-  
 lam ne hodiedum quidem fuisse sat e-  
 mendatam. Obiit Henricus Tibure die vi-  
 gesima Januarii. Magni quoque inter  
 suos nominis erat Paulus Hoffæus na-  
 tione Germanus, de quo Albertum Ba-  
 variæ Ducem illud edixisse narrant:  
*Petrus Canisius, & Paulus Hoffæus ipsi*  
*nos docuerunt legem tuam Domine: Hic*  
 idem



Sæc. XVII. idem Catechismum Romanum Germanice reddidit, & libellum *de communione sub una tantum specie* edidit, præter librum, quo Smidelinum & Spangebergium, qui ambo contra ipsum quosdam tractatus ediderunt, confutavit. Viti functus est Hoffæus Ingolstadii die decima septima Decembris annos natus fere octoginta quinque. Huic accessimus Christophorum Gillium seu Aggidium Lusitanum, qui libros undecim Lugduni typis edidit *de Sacra doctrina Essentia & virtute Dei*. Excessit e vita Conimbricæ die septima Januarii anno ætatis suæ quinquagesimo septimo. Hunc eodem fato secutus est die vigesima secunda Septembris Salmanticæ mortuus Petrus Arrubal, cujus posthumæ erant tomi duo in primam partem Divi Thomæ. Præterea die vigesima secunda Maji Romæ obiit Joannes Baptistæ Villapandus, qui Hieronymo Prato in Ezechiele illustrando & in Templo Salomonis describendo mutuas operas locavit.

*Miræus  
Bibl. Script.  
Sæc. XVII.*

## §. XLI.

*Gregorii Servantii & Sebastiani Bravi obitus.*

*Echard  
Script. Ord.  
Præd. t. 2.*

Præter Galaminium, Alphonsum Madrigal, pluresque alios Ordinis Fratrum Prædicatorum Scriptores hoc anno dena-